



DEMOKRATSKA FRONTA BOSNE I HERCEGOVINE

Web: www.dfsarajevo.ba

E-mail: sekretarijat@fronta.ba

Broj:
Sarajevo, 19.02.2024 godine

PREDSJEDAVALJUĆI SKUPŠTINE KANTONA SARAJEVO

PREDMET: Amandmani Kluba DF na prijedlog Zakona o novčanim podsticajima u poljoprivredi i ruralnom razvoju na području Kantona Sarajevo

dostavljaju se u skladu sa članom 151. i 152. Poslovnika Skupštine Kantona Sarajevo („Službene novine Kantona Sarajevo broj: 41/12 - Drugi novi prečišćeni tekst, 15/13, 47/13, 47/15, 48/16, 9/20 i 14/20)

KLUB DF podnosi sljedeće Amandmane na prijedlog **Zakona o novčanim podsticajima u poljoprivredi i ruralnom razvoju na području Kantona Sarajevo**, u daljem tekstu prijedlog Zakona

A M A N D M A N I

U alineju (2) člana 18.prijedloga Zakona pod nazivom (Pravilnik) dodati **‘uz predhodnu saglasnost Skupštine Kantona Sarajevo’**
Tekst alineje (2) sada glasi : Ministar privrede Kantona Sarajevo (u daljem tekstu: ministar)će donijeti Pravilnik o mjerama novčanih podsticaja, uslovima za ostvarenje novčanih podsticaja i postupku za ostvarenje prava na novčane podsticaji u poljoprivredi i ruralnom razvoju **uz predhodnu saglasnost Skupštine Kantona Sarajevo.**

Obrazloženje:

Radi transparentnosti i funkcionalnosti prijedloga Zakona kao i nadležnosti Skupštine Kantona Sarajevo definisanih u Ustavu Kantona Sarajevo („Službene novine Kantona Sarajevo“, br. 1/96, 2/96, 3/96, 16/97, 14/00, 4/01, 28/04, 6/13 i 31/17) Član 18. Nadležnosti Skupštine Skupština Kantona: alineja b) donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona; d) utvrđuje politiku i donosi programe razvoja Kantona;

A M A N D M A N 2

U članu 27.prijedloga Zakona pod nazivom (Inspekcijski nadzor) dodati tekst **'u skladu sa propisima definisanih Zakonom o organizaciji organa uprave u Federaciji BiH ("Službene novine Federacije BiH", broj 35/05) i Zakonom o inspekcijama Kantona Sarajevo ("Službene novine Kantona Sarajevo", br. 2/17 i 37/21)'**.

Sada Član 27. prijedloga Zakona glasi : Inspekcijski nadzor nad provođenjem ovog zakona i propisa donesenih na osnovu ovog zakona vrši kantonalni poljoprivredni inspektor (u daljem tekstu: poljoprivredni inspektor) **u skladu sa propisima definisanih Zakonom o organizaciji organa uprave u Federaciji BiH ("Službene novine Federacije BiH", broj 35/05) i Zakonom o inspekcijama Kantona Sarajevo ("Službene novine Kantona Sarajevo", br. 2/17 i 37/21)**

Obrazloženje:

Monitoring sprovođenja prijedloga Zakona na terenu obavlja poljoprivredni inspektor, lice ovlašteno za izdavanje prekršajnih naloga i s tim u vezi važno je navesti zakone kojima su precizirani procesi i aktivnosti inspekcijskog postupka.

Poslovi odnosno ovlaštenja inspektora u obavljanju poslova inspekcijskog nadzora, kao i obaveze lica nad kojima se provodi inspekcijski nadzor, propisani su Zakonom o organizaciji organa uprave u Federaciji BiH ("Službene novine Federacije BiH", broj 35/05) i Zakonom o inspekcijama Kantona Sarajevo ("Službene novine Kantona Sarajevo", br. 2/17 i 37/21).

Klub DF
Skupštine Kantona Sarajevo